

"Шикі мұнайды және газ конденсатын есепке алу құралдарымен жарақтандырылуға жататын өндірістік объектілердің тізбесі мен оларды жарақтандыру мерзімдерін бекіту туралы" Қазақстан Республикасы Энергетика министрінің 2019 жылғы 4 қарашадағы № 357 бұйрығына өзгерістер мен толықтырулар енгізу туралы

Қазақстан Республикасы Энергетика министрінің 2022 жылғы 6 желтоқсандағы № 405 бұйрығы. Қазақстан Республикасының Әділет министрлігінде 2022 жылғы 9 желтоқсанда № 31039 болып тіркелді

ЗҚАИ-ның ескертпесі!

Осы бұйрық 01.01.2024 ж. бастап қолданысқа енгізіледі

БҰЙЫРАМЫН:

1. "Шикі мұнайды және газ конденсатын есепке алу құралдарымен жарақтандырылуға жататын өндірістік объектілердің тізбесі мен оларды жарақтандыру мерзімдерін бекіту туралы" Қазақстан Республикасы Энергетика министрінің 2019 жылғы 4 қарашадағы № 357 бұйрығына (Нормативтік құқықтық актілерді мемлекеттік тіркеу тізілімінде № 19559 болып тіркелген) мынадай өзгерістер мен толықтырулар енгізілсін:

тақырыбы жаңа редакцияда жазылсын:

"Шикі мұнайды, газ конденсатын, шикі газды және оны қайта өңдеу өнімдерін (тауарлық газды) есепке алу аспаптарымен жарақтандыруға жататын өндірістік объектілердің тізбесін және оларды жарақтандыру мерзімдерін бекіту туралы";

кіріспе жаңа редакцияда жазылсын:

"Жер қойнауы және жер қойнауын пайдалану туралы" Қазақстан Республикасы Кодексінің 144-бабының 5-тармағына сәйкес БҰЙЫРАМЫН:";

1-тармақ жаңа редакцияда жазылсын:

"1. Қоса беріліп отырған Шикі мұнайды, газ конденсатын, шикі газды және оны қайта өңдеу өнімдерін (тауарлық газды) есепке алу аспаптарымен жарақтандыруға жататын өндірістік объектілердің тізбесі және оларды жарақтандыру мерзімдері бекітілсін.";

көрсетілген бұйрықпен бекітілген Шикі мұнайды және газ конденсатын есепке алу құралдарымен жарақтандырылуға жататын өндірістік объектілердің тізбесі мен оларды жарақтандыру мерзімдерінде:

тақырыбы жаңа редакцияда жазылсын:

"Шикі мұнайды, газ конденсатын, шикі газды және оны қайта өңдеу өнімдерін (тауарлық газды) есепке алу аспаптарымен жарақтандыруға жататын өндірістік объектілердің тізбесі және оларды жарақтандыру мерзімдері";

1-тарауда:

тақырыбы жаңа редакцияда жазылсын:

"1-тарау. Шикі мұнайды, газ конденсатын, шикі газды өндіру, сондай-ақ шикі мұнайды, газ конденсатын, шикі газды және оны қайта өңдеу өнімдерін (тауарлық газ) дайындау";

мынадай мазмұндағы реттік нөмірлері 2-1, 2-2, 2-3, 2-4-жолдармен толықтырылсын:

"

2-1.	Шикі газды кешенді дайындау қондырғысы	2025 жылғы 1 қаңтарға дейін
2-2.	Шикі газды технологиялық еріксіз жағуға арналған алау қондырғысы	2025 жылғы 1 қаңтарға дейін
2-3.	Шикі газды өзінің технологиялық қажеттіліктеріне пайдалануға арналған қондырғылар	2025 жылғы 1 қаңтарға дейін
2-4.	Шикі газды кері айдау қондырғылары	2025 жылғы 1 қаңтарға дейін

";

мынадай мазмұндағы реттік нөмірі 3-1-жолмен толықтырылсын:

"

3-1.	Тауарлық газды сақтауға арналған жерасты газ қоймалары	2025 жылғы 1 қаңтарға дейін
------	--	-----------------------------

";

мынадай мазмұндағы реттік нөмірі 5-1-жолмен толықтырылсын:

"

5-1.	Тауарлық газды қабылдау-тапсыру (беру) пункттері	2025 жылғы 1 қаңтарға дейін
------	--	-----------------------------

";

2-тарауда:

тақырыбы жаңа редакцияда жазылсын:

"2-тарау. Шикі мұнайды, газ конденсатын, шикі газды және оны қайта өңдеу өнімдерін (тауарлық газды) тасымалдау";

мынадай мазмұндағы реттік нөмірі 6-1-жолмен толықтырылсын:

"

6-1.	Газ құбыры бойынша шикі газды және оны қайта өңдеу өнімдерін (тауарлық газды) қабылдау-тапсыру (беру) пункттері	2025 жылғы 1 қаңтарға дейін
------	---	-----------------------------

";

4-тарауда:

тақырыбы жаңа редакцияда жазылсын:

"4-тарау. Мұнай өңдеу және газ өңдеу зауыттары";

мынадай мазмұндағы реттік нөмірі 12-1-жолмен толықтырылсын:

"

12-1.	Шикі тауарлық газды қабылдау-тапсыру пункттері	2025 жылғы 1 қаңтарға дейін
-------	--	-----------------------------

"

2. Қазақстан Республикасы Энергетика министрлігінің Цифрландыру және ақпараттандыру департаменті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасының Әділет министрлігінде мемлекеттік тіркеуді;

2) осы бұйрықты Қазақстан Республикасы Энергетика министрлігінің интернет-ресурсында орналастыруды;

3) осы бұйрық мемлекеттік тіркелгеннен кейін он жұмыс күні ішінде Қазақстан Республикасы Энергетика министрлігінің Заң қызметі департаментіне осы тармақтың 1) және 2) тармақшаларында көзделген іс-шаралардың орындалғаны туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының энергетика вице-министріне жүктелсін.

4. Осы бұйрық 2024 жылғы 1 қаңтардан бастап қолданысқа енгізіледі және ресми жариялануға тиіс.

Қазақстан Республикасы
Энергетика министрі

Б. Акчулаков

"Келісілді"

Қазақстан Республикасының
Индустрия және инфрақұрылымдық
даму министрлігі

"Келісілді"

Қазақстан Республикасының
Сауда және интеграция министрлігі